

合江縣志卷五十二

祥異志

康熙十七年戊午大水泛南關城關前人刻戊午大水漲至此七字於石乾隆三年戊午大水如前乾隆元年丙辰三月初六夜大風雹田禾屋舍冬所傷毀是年免賦

乾隆十三年歲大旱五月至七月不雨民乏食殍死甚衆

十二年己巳西鄉九支大雨雹禾盡傷十六年辛

合江縣志

卷之五十二

祥異

七

未西鄉嘉禾生一本四穗五穗

十七年壬申三月大雪

二十四年己卯八月初二廟高張英家井中龍見其女汲水遇之歸告其祖往視猶存頭角分明滿身金鱗大若小桶逾時不見連見三日後其水若米汁焉觀者如堵

四十九年春正月大雪厚四五尺

五十一年夏五月地動

五十三年夏大水流入城中

嘉慶三年仙女洞猪生三嘴

十五年秋大熟斗米三百文百物皆賤

十六年秋八月彗星見西方經二月乃散

咸豐十一年五月二十四日有星孛於西方光芒

幾一天闕月始散秋斗米售錢四百文八月滇匪

攔入邑東鄉境

同治元年正月初一日大雪四月初二日有白蛾

大如蠶蛹由南鄉飛度西鄉沿途散落撲人襟袖

道中幾無隙處後粵匪擾境卽沿白蛾飛過之路

合江縣志

卷之五十二

祥異

文

如預爲鄉導然六月有大鳥羣飛止縣治東鄉及

北郭外翼長丈餘高五尺有奇頭如禿鶩毛茸茸

如髮喙長尺餘弋者獲而稱之重十三四觔七月

髮逆復有西鄉之擾

三年四五月米價騰貴斗米二千錢道殣相望

邑宰鄭公樽設粥廠發常平倉及四鄉社倉賑濟

民氣稍甦

己未壬戌日記

咸豐九年八月滇匪李永和煽亂竄擾川南敘州

府蔓延富健下及瀘州東北界十一年八月股賊周躡子王刀刀由石碕鎮下竄邑東鄉白沙場時邑令薛公廉札調集鄉團防堵第承平日久人不  
知兵猝經劇匪倉皇各鳥獸散賊焚燒殺掠擄良民皆剪髮脅以自隨東鄉三支并受荼毒幸以縣治距江嚴守不能搶渡駐數日卽下竄永川訖民始復業

同治元年粵匪石達開大股由綦江上竄是時城鄉安堵四月初一二日風聞賊抵南鄉四頭河尙

合江縣志

卷之五十二

祥異

九

疑信參半初三四等日賊前隊破甘雨場白鹿坪王家場沿河殺掠男婦逼入水者屍浮蔽河初六日寅刻直抵縣南關對岸馬街子邑令馮公紹俊調集團練未及而賊旗幟林立鎗礮雨下時湘南曾蘭村觀察劉靖臣制軍檄帶練遶道由縣東飛抵邑治堵禦賊前隊遂由南鄉至西鄉出巖壩先造塹分竄貴州仁懷廳界所過燒殺雞犬無遺小戶孤村靡不遍歷賊大隊尾隊無慮萬數復由小漕闌入大漕福寶場道險賊馬隊隕崖墜谷死者

頗眾場民適趕集故擄掠殺戮尤甚惟觀音洞濫泥填榕山鼓樓山各寨僅得保全其散處者或避走不及幾無孑遺賊所歷鄉村人踪馬跡寬廣至丈有咫搜林尋穴男婦或殺或擄無倖脫者至五月始定

六月邑令馬公玉堂聞賊上竄不利勢必回竄先期請兵大憲派明太守統練二百名設防縣西賊果於七月初四日絡繹竄至先市窺縣欲越渡大江蹂躪腹地防兵退保密溪場合鄉兵共堵勢甚

合江縣志

卷之五十二

祥異

三

不支劉制軍唐鄂生觀察姚美輪總鎮節次追到賊焚先市民舍搭浮橋佯竄十三日姚總鎮率護軍營進勦誤中賊伏陣亡賊猖甚劉制軍迭督全隊抵禦賊駐月餘日不得閒復走南鄉折入仁懷上竄敘永爲唐澤波軍門擒獲首逆於大渡河縣境肅清

粵賊去後黔匪毛步雲糾土匪乘機滋擾甘雨場碓子坪專攻寨砦被殺砦民無算燒燬民房百十餘處邑令馬玉堂調集團練設法勦撫擒斬首匪

月餘肅清

同治四年臘月十九日黔匪石二亡撲仁懷廳城未下竄擾合江西鄉車輛場擄掠人畜居民震駭奔赴縣城邑令鄭公樽調團赴西鄉防守適周渭臣軍門提兵赴綦過境鄭公力懇堵勦旋於五年正月初二日進勦大獲勝殺賊三千餘人餘匪追勦回黔縣境肅清

合江縣志

卷之五十三

祥異

三